

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM
Radna komisija za ustavna i pravna pitanja
Broj: 01/1-213/99
Sarajevo, 13. 10. 1999.

ZAPISNIK

9. sjednice Radne komisije za ustavna i pravna pitanja Predstavničkog doma Parlamentarne skupštine Bosne i Hercegovine, održane 13. oktobra 1999. godine

Sjednica je počela s radom u 10,45 sati.

Sjednici su prisustvovali: Mirko Banjac, Bogić Bogičević, Miodrag Deretić, Ana Havel, Alma Čolo, Rasim Kadić i Sejfidin Tokić.

Sjednici nisu prisustvovali: Milenka Bošnjak i Jadranko Prlić.

Pored članova Komisije, sjednici su prisustvovali: Vedran Hadžović, sekretar Komisije i Branka Todorović, član Privremenog Sekretarijata, i Fernando Santaolalla, ispred Evropske Komisije.

Za sjednicu je predložen i usvojen sljedeći

D N E V N I R E D:

1. Usvajanje Zapisnika sa 8. sjednice Radne komisije za ustavna i pravna pitanja od 1.10.1999. godine;
2. Utvrđivanje Mišljenja Radne komisije za ustavna i pravna pitanja o provedenoj proceduri predlaganja i utvrđivanja dnevnog reda na 11. sjednici Predstavničkog doma Parlamentarne skupštine BiH održanoj 5. 10. 1999. godine;
3. Radni tekst Poslovnika Predstavničkog doma Parlamentarne skupštine BiH.

AD 1:

Zapisnik 8. sjednice Komisije usvojen je, uz primjedbu Mirka Banjca da se u okviru tačke 5 Zapisnika (Zakon o praznicima Bosne i Hercegovine) izdvoji njegovo mišljenje koje je iznio na sjednici Komisije da ne postoji ustavni osnov za donošenje ovog zakona i da je potrebno provesti ustavnu proceduru za pribavljanje ustavnog osnova za donošenje ovog zakona.

AD 2:

U raspravi su učestvovali: Alma Čolo, Rasim Kadić, Mirko Banjac, Bogić Bogičević, Miodrag Deretić, Sejfidin Tokić i Ana Havel. Komisija je većinom glasova utvrdila sljedeće mišljenje, koje je potrebno navesti u Izvještaju Predstavničkom domu:

Komisija je na osnovu zahtjeva Kolegija Predstavničkog doma utvrdila, i u skladu sa članom 5. tačka 3. Privremenog Bosne i Hercegovine, zaključila sa 5 glasova za i dva protiv da Predstavničkom domu podnose sljedeće Mišljenje o provedenoj proceduri predlaganja i

utvrđivanja dnevnog reda na 11. sjednici Predstavničkog doma Parlamentarne skupštine BiH održanoj 5. 10. 1999. godine:

Komisija je na osnovu uvida u Privremeni Poslovnik Predstavničkog doma Parlamentarne skupštine BiH i Zaključak Predstavničkog doma Parlamentarne skupštine BiH (Službeni glasnik BiH", broj 4/99), utvrdila sljedeće mišljenje:

Sve prijedloge zakona, odnosno inicijative za donošenje ili izmjenu zakona i drugih akata podnesenih od strane poslanika, klubova poslanika, radnih komisija i drugih institucija Bosne i Hercegovine, kao ovlaštenih predlagača, podnesenih Predstavničkom domu Parlamentarne skupštine Bosne i Hercegovine, a nakon provedene procedure utvrđene Privremenim Poslovnikom i Zaključkom Predstavničkog doma, Kolegij Predstavničkog doma će bez odlaganja uvrstiti u prijedlog dnevnog reda sjednice Predstavničkog doma Parlamentarne skupštine Bosne i Hercegovine.

Za izvjestioca Komisije na sjednici Predstavničkog doma određen je Rasim Kadić.

Članovi Komisije Mirko Banjac i Miodrag Deretić izdvojili su mišljenje jer smatraju da ne postoji ustavni osnov za donošenje ovog zakona, te da je potrebno provesti ustavnu proceduru za pribavljanje ustavnog osnova za donošenje ovog zakona, i predložili da se ubuduće na sjednici Predstavničkog doma glasa pojedinačno o svakoj tački prijedloga dnevnog reda.

AD 3:

Komisija je odložila raspravu o Radnom tekstu Poslovnika Predstavničkog doma Parlamentarne skupštine BiH za sljedeću sjednicu.

Sjednica je završena u 11,40 sati.

PREDSJEDAVAJUĆI
Rasim Kadić

SEKRETAR
Vedran Hadžović